

کتابخانه

آدرس: نیا-مئنده آریجه
• غروش کوندرملیدر.

مکتوبلرک امضاری واضح
واوقوناقلی اولسی وآبونه
صره نومروسنی محتوی
بولونسی لازمدر

ممالک اجنبیه ایچون آبونه
اولانلرک آدرسلرینک
فرانسجه یازلسی رجا اولنور.

پاره کوندرلدیکی زمان نهیه
دائر اولدینی بیلدیرلسی
رجا اولنور

اتبعون اهدکم سیل الرشاد

صاحب و مدیر
اشرف ادیب

باش محرر
محمد خاکف

والله یهدی من یشاءالی صراط مستقیم

آبونه شرائطی : هریر ایچون
سنه لکی (۴۰۰) الق ایلی
(۲۲۵) ، ممالک اجنبیه ایچون
سنه لکی (۴۵۰) ، آلتی آیلنی
(۲۵۰) غروشدر.

نسخه سی ۷,۵ غروشدر .
سنه لکی ۵۲ عدددر .

اداره خانه : باب عالی جاده سنده
رشید اقدی خاندنه

اخطارات

آبونه بدلی پشیندر .

مسئله موافق آثار مع المنونیه
قبول اولنور . درج ایدله بن
یازیر احاده اولنماز .

پرانمش تباہ اولش بر حیات کبی [بسبتون ییقلمه سندن اندیشه ناک بولونیورلر .

معنوی و روحی تریات واسطه لرله زهر لیمکه دکل، بالعکس اجتماعی و اخلاقی یوکسک بر تصفیہ به محتاج اولان مسلمان و تورک استانبولک بارلردن اول محتاج اولدینی فکر و علم مؤسسہ لرله تزیینی، احتیاجات مشروعہ زمانه کوره اوطوروله بیله جک بر حاله افرانغی لازمدر . بومناسبتله (نوحیدافکار) رفیقمزک سر محرری ولید بک مطالعات آتیه یی در میان ایدیور :

« شہرامینی بکک ، عمران مسئلہ سنده اک خطالی دوشونجه لرندن بری دہہ ، شہریمزه اجنبی جلب ایتمک ایچون مثلا قارخانہ لر وجودہ کتیرمه ناک لزومنه قائل اولماسیدر .

پارس بوکون ، دنیا ناک اک زیادہ اجنبی زوار جلب ایدن بر شہریدر . حالبوکہ اورادہ بر تک قارخانہ یوقدر . بعضی خصوصی محفلردہ وقلولبرده صرف مقید اعضا آرسندہ اوپونہ مساعدہ ایدلسہ بیله بودہ غایت محدود دائرہ دہ قالمقدہ در . بومحدودیت ایسہ بالخاصہ او محفلر وقلولبرہ اوکنہ کلنک واجانبک کیرہ مہ سہیلہ تأمین ایدیور .

کذا مملکت اولارق دہ دنیا ناک اک زیادہ زیارت ایدیلن اولکسی اسویچرہ در . حالبوکہ بوتون اسویچرہ دہ ، نه خصوصی ، نه عمومی بر تک قارخانہ یوقدر . حتی بو مملکتندہ عمومخانہ کشادی دہ ممنوعدر . حالبوکہ اسویچرہ یی ہر سنہ یوز بیکرجه سیاح زیارت ایدر . حتی دکزی ، مخرجی ، بویوک مقیاسدہ صنایعی اولمایان بو کوچوک مملکتک بوکونکی عمران فوق العادہ سی ، خلقتک رفاهی مان تمامیلہ اجنیلرک بیراقدینی پارہ لر سایہ سندنہ تأمین ایدلمکدہ در .

نابولیون طرفندن « دنیا بر ابراطورلق اولسہ ییدی ، مرکزی استانبول اولوردی » قول . شہوریلہ اہمیت و قیمت تعریف ایدلمک ایستہ نین شہریمزدہ ، عینیلہ اسویچرہ کبی صرف موقعنک لطافتی ، طبیعتک کندیسنہ بخش ایتدیی فوق العادہ کوزلکلرلہ ممتاز بر بلدہ در . بناء علیہ شہریمزی زیارتکاہ اجانب یایمق ایچون توسل ایدہ جکمز وسائل ، قارخانہ و سفاهتخانہ لر آچمق دکل ، آنجق شہرک کوزلکلرندن استفادہ ایدیلہ بیله جک وسائلی احضاردن عبارتدر . بودہ ایی بویوک ابراطورلقہ عصرلرجه پای تختلق ایتمش اولان یوللدہ دلای ای شیمدیلک جلال اسمد بکک دیدیکی کبی (جفا شہری) اولقدن قورقارمقلہ ممکندر .

شہرک سواقلرینی ، احضار ایدلش عمومی بر پلان موجینجه اہمی مہمہ تقدیم ایدہ رک تنظیم ایدلم ، وسائط نقلیہ یی کوندن کونہ دوزلتم وچوغالتم ، صو مسئلہ حیاتیہ سنی حل ایدلم ، تنویرات ، تنظیمات ایشلرینی یولنہ قویلم ، خصوصاً وخصوصاً آوروپا بلدیہ لرندہ فوق العادہ اہمیت ویریلن شہرک آغاچلہ تزیینی مسئلہ سنی دہ اہمال ایتیلہ ، بوسورتلہ استانبول درت بش سنہ صوکرہ اجنیلرک سہ سہ زیارت ایدہ جکری بر شہر اولور .

امین بکک ، شہرک اعماری نامنہ چوق یاکلش دوشونجه لرلی جملہ سندن اواقی اوزرہ ، طوبقیو پارقدنہ کی غازیئودہ بر (بار) تأسیسنہ تشبث ایتسی دہ بویوک برخطاددر . بوخطالرہ کورمہ مک ، بیدہ مک بوزندن یاییور . آوروپا یانتلرینک ہیج برندہ بلدیہ یی عائد بویوک بانچہ لرندہ (بار) دکل حتی غازیئوییلہ یوقدر . پارسک مشہور (لوکسبورغ) بانچہ سندنہ ، لوندردنک (ہایدپارک) ندہ ، برلینک (تیرغارتق) ندہ نہ غازیئو ، نہ بار وارددر . بالکمز بلدیہ یی عائدقناہلر خارجندہ پارہ ایلہ اوطورولوز برقاج اسکولہ بولونور .

لوندردہ ، پارس ، برلین عمومی بانچہ لرندہ غازیئوییلہ بوقکن ، استانبولک

ایتدیکی جمیت ، ایستہ مرکزی آمریقادہ اولان بودوشمان تشکیلاتنک قادیئر قسیدر .

شوقدرکہ بوقسم دیگر قسندن یعنی ازککلر قسندن دہا زیادہ موقیت امیدیلہ چالیئور و موقدہ اولیور .

نتہ کیم کوزلریمزک اوکنہ یاری جیلاق برقاج کوزہل مادمازہل چیقاروب یوزدیرہ رک بویوک برتایل الدہ ایتمش حتی بوشوہ منظرہ لر « جمہوریت » محرر لرینجہ غشی ایتمش ، لہریتہ قوجہ مان بر بند یازی یازمقہ مجبور ایلشدہ . خایر افندیلر ، خایر خانملر ! . . . « کنج خرستیائلر » جمیئلری نہ قدر نشہلی نہ قدر شوہ و سہیلہ لر حاضر لاسہ بزئ قادییرہ ماملی وقویونمزدہ آراتق بو ییلانر یووا پایہ ماملیدر »

مدرسہ لر صائیور

یومی غزتہ لر طرفندن ویریلن معلوماتہ کورہ معارف وکاتی اخیراً استانبول ولایتہ مدرسہ لر حقندہ بر تبلیغ کوندرمشدر . بو تبلیغہ اولجہ قبول ایدیان لایحہ علاوہ اولونمشدر .

بولایحہ ییہ نظراً جوامع و مساجد شریفہ دن ماعدا اوقافہ عائد دیگر عرصہ و مکتب بنالری صائیلاق بدلی ایلہ احتیاج نسبتندہ اولاجامع ، نانیامکتب ، نالنادہ خستہ خانہ کبی مؤسسات خیریہ وجودہ کتیریلہ جکدر . معارف وکاتی بولایحہ یی تعمیمہ ربط ایتدکن صوکرہ آئندہ شونی علاوہ ایتشددر :

۱ — مدرسہ لر معارفہ دور اولونمشدر .

۲ — بونلردن مکتبہ الویریشلی اولانلر در حال مکتب حالہ افراغ اولونہ جقدر .

۳ — مکتبہ الویریشلی اولمایان مدرسہ بنالری صائیلاق ولایحہ مکتب یایبلا جقدر .

معارف وکلنک بواصری علاقہ دار دوائرہ تبلیغ ایدلمشدر . اوقافہ تاند بو قبیل عرصہ و مکتبلرک صائیلاق مکتب انشاسی ایچون بر قومیسون تشکیلی محتملدر .

سفاهت شہری

شہرامینی بکک غزتہ جیلرہ ویردیکی ضیافت انناسندہ اورتہ ییہ چیقہ . ردینی ، استانبولک بر ذوق و سفاهت شہری حالہ افراغی اساسی استہداف ایدن فکر اطرافندہ اولدقجہ حرارتلی مباحثہ لر باشلادی . باشدہ جلال اسمد بک اولمق اوزرہ متفکر لرمنک ہمان کافہ سی بیک دورلو احتیاجات معنویہ و ضروریہ ایچندہ اساساً خراب اولان زواللی شہرمنک غریبک فضایح و لوئیاتی تمثیل ایدن مؤسسہ لرلہ [سفاهتہ

حرب ایده‌بینه‌جکی و بو حریدن طولای هند مسلمانترینک متأثر اولمایه جقلرینی بیلدیرمشلردر . بناءً علیه وهابی حرکتک هندستانده شریف حسین لهنه ذره قدر برنجس ، ذره قدر هیجان او یاندیرمش اولماسنه احتمال یوقدر .

تورکیاده ایسه شریف (حسین) ایله اوغلربنه قارشی توجه کوستره جک برکیسه بولونمادینی معلومدر .

اسلام عالمده بویله بروضیت ایله قارشیلانان شریف حسین اوتدن بری کندیسی حمایه ایله معروف اولان انکلتره دن ده بودفعه هیچ یوز کومه دی . بوتون انکلیز غزته لری (نجده - حجاز) مجادله سنه قارشی انکلتره نك بیطرفلغنی محافظه ایده جکی بیان ایتمش و برکونا مداخله ده بولونمایه جغنی سوبله مشدر . او حلاله حجازی و اما کن مقدسه اسلامیه نك مدافعه سنده شریف (حسین) ک یالکز ، باشنه قلاجنی و آنجق حجاز اهالی و قبائلندن متشکل برقوت ایله اجرای مدافعه ایده جکی اکلایلیور . وهابی حرکتی بر استیلا ماهیتده ایسه شریف (حسین) ک عظیم مشکلاته اوغرایه جغنی محققدر . مع مافیله بو حرکتک بو ماهیتده اولدیغنی اثبات ایده جک دلائل هنوز مفقوددر . بو حرکتک بر (باصقین) دن عبارت اولماسی ده چوق محتملدر . وهابیلرک طائفده بر مدت اوطوردقندن سوکره کیتمه لری و بو صورتله مسئله نك حل اولونماسی احتمالی بعید دکلدر . انکلیز غزته لرینک ویردیکی معلوماته کوره (ابن سعود) ک حجازی استیلایه موفق اولسایچون حجازده بر چوق قبائلی الله ایتمسی ایجاب ایدیورکه بونلری هنوز الله ایتمدیکی بیان اولونیور . (حسین) ک بونلرله بالائتلاف وضعیتی اصلاح ایتمسی چوق محتملدر . شیمدیلك وضعیت و خاتمتی اولدجه ضایع ایتمش نظریله باقیلمده در .

طرابلس غرب :

طرابلس غربده ایتالیانلرله مجاهدین آره سنده دوام ایدن حرب حقتده یکی خبرل وارد اولمده در . اک صوک آلنان معلوماته کوره مجاهدین ایتالیانلرک اوج قولدن اجرا ایلدکری عمومی تعرضی توقیف ایلدکدن ماعدا دشمنی ساحله طوغری سورمشلردر . مجاهدیه ای اداره ایدن «حکومت وطنیه» «تونس» طریقله اسلحه و مهمات تدارک ایلش اولدقندن مجاهدیه موفقیتله دوام ایلمکده در . تونس داخلنده تاسیس ایلش اولان وسائط مراسله ایله مجاهدیه اخیراً اوج طیاره و طقوز طیاره ضابطی و برده هیئت صحیه کوندرلشدر .

خمس جبهه سی اداره ایدن «احمد بک المرتضی» و «احمد بک السوحلی» نك قومانداسی آلتنده ایتالیانلرله قارشی اجرا ایلدکری شدتلی بر تعرض نتیجه سنده دشمنی ساحله بر یجق ساعت قدر مسافه ده بولنان «خمس» قصبه سنه قدر سورمشلردر .

ایتالیانلرک مصر حدودینه سوقیات مسکریه اجراسنه مجبور قاللری و مجاهدینک ده و سائط مدافعه لرینی اولدجه تکمیل ایلش اوللری ایتالیانلری طرابلس غربده معتدلانه برسیاست تعقیبنه مجبور ایلدیکی آلنان متمم معلومات چله سنلدر .

برجک طوب قابو پارقنده غازیونون باشقه برده سفاهتخانه لک الکچیرکینی اولان (بار) تاسیسنه قالیشتق ترقی یی ، عمرانی نه قدر یاکلش آکلامقدر .

سوکره دونده ستون مخصوصمزه یازدیغمزوجهله شهریمزک ، استانبول جهتی کندیسنه کوره بر خصوصیتی ، نزهتی حائزدر . عصرلدنبری محافظه ایتدیکنز بوزاهتی بوکون ، غربک کوتو بدعتلریله بوزه جق اولورسوق ، خلغمزه اک بو بوک فنانلی یاغمش اولورزه . شهری اعمار نامنه ایستره ک (بار) ده ، (قارخانه) ده آچلم . ذاتاً آچغه حاجت ده یوق ، ممنوعیت قانونیه به رغماً بک اوغلنده قارخانه لینه ایشله یور .

عمران نامنه یکیدن بویله سفاهتخانه ل تاسیسنه لزوم وارسه هیچ اولمازسه بوئی ینه بک اوغلنه حصر ایده لم . اساساً بک اوغلی ، عصرلجه اهلز یوزندن تورکلکدن ، مسلمانلقدن بوس بوتون آیری ، بین الملل ، متلون ، ملوث بر محیط اولشدر . یاواش یاواش استرداد ایده جکنز حاکمیت اقتصادیه من سایه سنده شهرک بو یابانجی قسمی ده تورکلشدیردیکنز زمان ، غربک بو فضاختخانه لردن اورالی ده تطهیر ایده رز . او مسعود آنلره انتظاراً بوکون اولسون ، استانبولک حریم عصمتی ده (بار) لر و قارخانه لری ایله تلوی ایتیملم . استانبولک اک بو بوک شرقی ، اک بو بوک کوزللیکی ، جامعلری ، مدرسه لری ، چشمه لری کبی دینی ، تاریخی و ملی آیده لریدر . بو آیده لک محیط نور انوری آره سنه بک اوغلندن کله جک یوزی بویالی سکیز اون روم و فرنگ قادینی ادخال ایده رک ، خلغمزک اخلاقه ، کنج یاورولیمزک صفوته ، پاکیزه قیزلیمزک نزهتته قصد ایتیملم .

شهرامینی بکه ، بوتون خلوصمزه ، بوتون صمیم قلبمزه تأمین ایده رز ، که بو بدعتلری وجوده کتیرمکه شهر نه ترقی ایدر ، نه عمران کسب ایدر ، نه مدنی اولور ، نه زنگینلشیر . یالکز چیرکینه شیر ، لکه لیر و بشرینک اک تهلسکی خسته قلری و کیرلری ایله معلول و آلوده اولور . «

اسلام عالی

وهابیلرک هرکنی — طائفی اشغال ایتدکری تحقق ایدن وهابیلرک اورادن مکه مکرمه یه متوجهاً حرکت ایتدکرینه دائر صوک دقیقه یه قدر هیچ بر خبر ورود ایتماشدر . بالعکس ورود ایدن خبرلر وهابیلرک طائفی اشغال ایتدکدن سوکره اوراده تحشیدات اجرا ایتک و مواصلاقی تأمین ایتک ایچون اوراده توقف ایتدکرینی ایضاح ایدیور . دیگر طرفدن شریف (حسین) ک مقابل تعرض اجراسی و طائفک استرداد ایچون حرارتلی فعالیتلرده بولوندیغنی خبر ویریلکده در . بو حادثه نك اسلام عالمده اجرا ایتدیکی تأثیرات شایان دقدر . شریف (حسین) حکومتک تورکیاده ، مصرده ، هندستانده ، وسائر اقطار اسلامیه ده ؛ ذره قدر مقبول و مرغوب اولمادیغنی بو حادثه طولایسنه تظاهر ایتمشدر . مصر لیلر ، شریف (حسین) . برکونا مظاهرتده بولونمایه جقلرینی فاده ایدن نشریاتده بولوندیلر . هند لیلر ایسه بوندن بر مدت مقدم نجدامیری ابن السعوده بر بیاسامه کوندره رک شریف (حسین) ی وحدت و اتفاقه دعوت ایتسنی ، بو دعوتیه اجابت ایتدیکی تقدیرده ایسترسه کندیسیله